



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**D. Petri Chrysologi Archiepiscopi Ravennatis, viri  
eruditissimi atque sanctissimi, Sermones In Evangelia De  
Dominicis & festis aliquot solemnioribus totius anni,  
insignes & peruetusti**

**Petrus <Chrysologus>**

**Lvgdvni, 1623**

In consecratione Episcopi, Sermo CXXX.

[urn:nbn:de:hbz:466:1-50232](https://nbn-resolving.org/urn:nbn:de:hbz:466:1-50232)

ad collatandum deuota confluit : tunc turba sæ-  
 uientum, nunc exultantium: tunc desperatorum, nunc  
 sperantium. Idcirco ergo natales martyrum annua  
 læticia celebrantur, vt quod semel actum est, per om-  
 ne æuum in memoria maneat deuotorum. Gesta res  
 est charissime, ne te dices ignorare, celebrantur an-  
 nua, ne dicas, oblitus sum. Ad hæc ergo imitanda vos  
 animate charissimi, hanc magnanimitatis gratiam  
 concupiscite : hoc petite dari vobis, quod ille meruit  
 adipisci. Omnes enim cœlestia cupientes terrenorum  
 bonorum laqueis irretiri non possunt, quia conuer-  
 sationem suam in cœlestibus statuerunt. Sicut ait  
 Phil. 3. Sanctus Apostolus : Nostra autem conuersatio in cœ-  
 lis. Dirigatur ergo cordis nostri desiderium ad habi-  
 tationem cœlestem, vbi quum dispersus fuerit pau-  
 peribus thesaurus vester, illic erit & cor vestrum.  
 Thesaurus autem bonorum omnium Christus est, qui  
 vos cum Patre & Filio & Spiritu sancto donis cœle-  
 stibus, & nunc, & in æternum cumulare & replere  
 dignetur.

*In consecratione Episcopi, Sermo CXXX.*

Isa. 52. Sicut magnæ promissionis longa expectatio accen-  
 dit animum, mentem fatigat, ita sensus omnes,  
 & interna ipse viscerum suscitatur optatus promissio-  
 nis effectus. Hinc est quod hodie, sicut dixit Isaias,  
 Ecclesia mater sancta festiua, tota gaudens & com-  
 pta processit, induit se tunicam iucunditatis suæ, & sicut  
 sponsa imposuit sibi mitram, ac vario se compo-  
 suit & decorauit ornatu : vt cœlum stellis fulget lu-  
 minibus, & terra vernat floribus suis : & vt hortus  
 producit germina sua, ita producit lætitia in conspe-  
 ctu omnium filiorum suorum. Quia iuxta pollicitatio-  
 nem David: Hodie pro patre natus est ei filius, qui  
 eam

eam non pondere inclinet, non auctoritate deterreat, non commotione sollicitet, non asperitate conturbet, sed fideli sustentet obsequio: cura peruigili faciat persecuram, sollicitudo labore necessaria procuret, familiam blanda institutione componat, hospitibus occurrat, parentibus seruiat, regibus obtemperet, potestatibus collaboret, det senibus reuerentiam, pueris gratiam, fratribus amorem, paruulis impendat affectum, liberam per Christum cunctis exhibeat seruitutem. David dixit, Audi filia, & vide. Ego dicam, Audi *Psal. 44.* mater & vide, pro patribus tuis nati sunt tibi filij. Sint prudentia senes, grauitate patres, charitate filij, virtute iuuenes, dulcedine soboles, innocentia infantes, malitia paruuli, quæ mundi sunt nescientes: totam regni Dei præsentiam possidentes: attestante Domino, cum dicit: *Mat. 19.* Sinite paruulos venire ad me, talium est enim regnum cœlorum. Tales generat perpetuæ virginitatis copula, tales generat cœlestis vitæ coniunctio, sexus nescia, cōceptus conscia, gnara partus, corruptionis ignara, pudore integra, integritate clausa, casta pignoribus, fœcūditate diffusa. Hæc tam pia mater dum vnius germinis sui hodie natalitia festa celebrat, sinus aperit, extendit amplexus, emittit vocem, diuinis cantat in canticis, vt omnes aduocet, omnes capiat, omnes ad congaudendum sibi gremio charitatis includat. Adest ipsa etiam mater Christiani perennis, & fidelis imperi, quæ dum fidē, opere misericordiæ, sanctitate in honorē Trinitatis beatam sectatur & imitatur Ecclesiam procreare, amplecti, possidere, augustam meruit Trinitatem. Sic remunerat Trinitatem: sic remunerat Trinitas in sui amore & ardore feruentes, ista meruit, vt daret sibi honorem, gauderet quod sibi fecit ei de gratia religionem consimilem. Ista meruit vt genitricis dignitas per geni-

tricem redundaret in posteros. Orate fratres, ut Christiani Principes, quia pia deuotione dignantur nostris occurrere gaudiis, nostris solennitatibus interesse, ipsos quoque pari gratia omnium sacerdotum longo in tempore obsecratio deuota commendet.

*In illud Ioannis, Si quis sermonem meum serauerit,  
&c. Sermo CXX XI.*

**S**æpe diximus, quod Deus corporeis oculis non videtur, quod diuinitas non clauditur mente carnali, quod humana ratio rerum non capit conditorem, sed Deum sola fides attingit, credulitas sentit tota, nec quantus est, sed quia est, hominis quantumcunque est intuetur aspectus. Denique Moyses, qui de seruo in amicum, de homine promouetur in Deum, Dei faciem quærit, sed non inuenit: petit, sed non accipit: & ut posteriora tantum Dei videat, admonetur: quatenus homo Deum quærat sequi, non præcedere: neque ante Deum quæ sint quærere præsumat, sed quod per Deum sint omnia adorator agnoscat. Crebro Deus hominibus formam hominis demonstrat, & magnitudinem suam tantam breuem nostri operis colligit in figuram, ut præsentiam diuinam possit infirmus noster oculus intueri, angustus noster recipere possit aspectus. Sic ad Abraham Deus venit in hominis forma, succedit hospitis in figura, & lasciuiatoris in morem accepit pedibus suis aquam: sed & inuitatus ad mensam vituli, & panis appositione saturatur: & ita se totus humano credit & committit obsequio, ut ipso tactu, visu, verum hominem videatur explere, & hoc eo tempore, quo verus Deus sterilitati extremæ senis desperatæ patefactis visceribus in partum sobolem largiturus aduenit. Sic Iacob vianti conuiator occurrit, & ita se humano collegio

*Gen. 18.*

*Gen. 32.*